


DISCOVER

(Bible Ralchhan)

Zirlai - 20
Inpáwlhona Zâra Thanlenna
Thurûk

Kum 1960 chho vèl khan, unaupa Andrew, Holland rama mi chuan Romannia ramria communist duty-ho kal tlangin Bible tam tak a keng chhuaka. Hotela a thlen fel hnu chuan chung Pathian Thute chu a



hmang ða thei berte awmna hmun hriattîr tûrin Pathian hnênah a ðawngðai a.

Chumi kâr tâwp lamah chuan hotel clerk hnênah chuan khawiah nge biak in a hmuh theih ang tih a zâwt a. Hotel clerk chuan makti taka enin, "I hriat tam takte hi kan nei lo va, chu a chhapah ðawng i thiam si lova," tiin a chhâng a.

Andrew chuan, "Kristiante chuan khawvêl pumpuiah ðawng pakhat tih mai theih an hmang tih i hre na nge?" a ti a. "Ah, chu chu eng ðawng nge?" a ti a. Andrew chuan, "Agape (Pathian hmangaihna)," tiin a chhâng a. Clerk chuan chutiang a hriat ngai loh thu a sawi a, mahse Andrew chuan, "Khawvêla ðawng mawi ber, a ni asin!" a ti ta a.

Andrew chuan chulai hmuna kohhran hrang hrang chu a dapchhuak thei ta a. Tin, Kristian pâwl engnge mawa an president leh secretary te hmangin inkawm khâwmna pawh a siam thei ta a. Amaherawh chu vânduai thlâk takin, Andrew leh a ðhiante chuan Europe rama ðawng hrang hrangte chu hre baw mahsela anni chuan engmah inðawm theih an lo nei miah lo mai a. Tichuan, pindanah chuan in epa in melhtawn ringawtin an ðu ho ta a. Andrew chu a thil phurhte nêh chuan hmun hlauhawm mêl sâng tam a kal tlang a, mahse hêng mite hi a Kristian unaupuite nge an nih sorkâr enthlatute tih hriat theihna a nei si lova!

A tâwpah chuan office-a dawhkanah chuan Romonia ðawng Bible hi a va hmu ta hlauh mai! Chuveleh Andrew chuan a kawr iptu chu zenin Dutch Bible chu a han phawrh chhuak ve ta a. 1 Korin 16:20 chu a han keuva. Bible chu a lek sâng a, an hriat theih tûrin chu lehkhabu hming chu a han kâwk ta a. Chu veleh an hmêl chu a hlim ta êm êm a. Rang takin chu mi bung leh châng

chu Romania tawng chuan an zawng hmu ve thuaia an han chhiar chuan, "Unau zawng zawng hian chibai an buk a che u. Fawh thianglimin chibai inbûk theuh rawh u," tih ve tho a lo ni a.

Chung mite chuan hlim deuh mai hian Andrew chu an han thlîr lêt a. An zînga pakhat chuan a Bible chu a han keuva, Thufingte 25:25 hi a han keuva, "Ram hla tak atanga chanchin chu, mi tuihâl tak tâna tuivawt ang a ni," tih hi (Thufingte 25:25).

Hêng mite hi dârkar chanve lai in pâwla Pathian Thute sawiin an awm hova. An lâwm êm êm avângin hnam dân pel rawk khawp nui hovin mittui tla phung khawpin an nui ta a ni.

Andrew chuan a unau a chhar ta. Thingrem khat Bible a rawn phurh a han entîr pheh chuan Romania mite chu an lâwm êm êm a, an lâwmzia entirnân an han pawm leh rih thîn a ni.

Chu mi tlai chuan, hotel clerk chu Andrew hnênah chuan a lo kal a, "A agape tih kha dictionary-ah ka zawng a, mahse chutiang hming pu chu ka hmu hauh lova. Mahse Grik tawnga hmangaihna hi a lo ni reng alawm maw le," a ti ta a. Andrew chuan, "A ni chiah mai," a ti a, chu mi chawhnu chuan chumi thu chu chang thlanin thu a sawi ta a ni.

He thu mawi tak hi i lo hmuchhuak ve tawh em? He kaihhruainaah hian engtin nge kan vai hian Pathian chuan a hmangaihna ropui takah chuan min chênhotîr theih dân kan zir dâwn a ni.

1. KOHHRAN HI INPAWLHO TURA DIN

Isua chuan kohhran hi mihringten kan than nân leh infuih tawna atân a din a ni. Kan vai hian mamawh,

loh theih loh, kan nei a, chung atâte a infuihtawna chu kohhran hi a ni. Lukhum nalh danglam bikte leh kan thatnate tihlanna tûr hmun a ni lova, amaherawhchu ințanpui tawn tûra kan kalna hmun a ni. Apostolte kohhran din kha chu ringtute inpâwlhona leh infuihtawna tûra din a ni, hetiangin:

"Tirhkohte zirtîrin, inpâwlin, chhang phelin, țawngțaiin, țahnem ngai takin an awm reng a. Pathian an faka, mi zawnzawng lawm zawnzin an awm țîn. Tin, a chhandam mêk apiangte chu Lalpain nitinin an hnênah a teltîr zêl țîn." Tirhkohte 2:42, 47.

Pathian Thu hian kohhran hmasa chu nung tak, a hmei a pa a inpâwlhona hlimawm tak Pathian hnên thlen theihna siam țîn a nih thu min hrilh a ni.

"Chu mi kan hmuh leh kan hriata chu in hnênah kan hrilh ve che u a nih hi, nangni pawhin min pâwl ve theih nân, keini min pâwlna chu Pa leh a Fapa Isua Krista pâwlna a ni tawh reng si a. Tichuan kan lâwm a famkim theih nân hêng thute hi kan ziaak a nih hi." 1 Johana 1:3, 4.

Awmkhawmhote thinlung Isua pâwlna ațanga phuar khâwm leh inhmangaih



tawna chuan hlimna famkim a siam tĥn! An vaiin tawng thuhmunin an tawng a, chu chu hmangaihna tawng a ni.

Kristiante chu chhûngkhat zawmpui an ni a, rilru hmun khat leh nun dân thuhmun an neih avângin Kristaah chuan unau an ni. An inzawm khâwmna chu a zau zawh poh leh anmahni phuarkhâwmtu chu a chak ting mai a ni. Seventh-day Adventist tlangval an ram chhana sipaia tawng chuan he inphuarkhâwmna hlutzia hi a hmu chhuak a ni. "Mi rama ka kal a piangin tumah hriat nei lo ila, tĥiante ka chhar tĥn. Chung mite chu, kan mission hmun atangtein ka dap tĥn a, chuta tawng chuan rinna leh beiseina thuhmuna kan rilru leh beiseinate kan thinlung phuarkhâwmtute chu ka hmu chhuak tĥn. Hei hi a kahpah maia ka zawn chhuahte an ni lo. Kan inring tawn a, chu chuan inthian thatna a thlen tĥn. In chhungkhura mi angin min en a, thu tlêmtê chauh pawh sawi mah ila engmah a danglam chuang lo," a ti a ni.

Isua zirtîrten kohhran an din zawmtute (member te) chu rinna thuhmun, Pathian an hmangaihna thuhmun, a rawngbâwl leh a khawngaihna khawvêl hriattîr an duhnate thuhmun an ni. He inzawmkhâwmna nghet tak hian hêng mi tlawm têtê leh mi tlêmtê tihduhdah tuar tĥinte hi, khawvêl a sawi nghintîr tĥn a ni.

2. KRISTA PHUN KOHHRAN

Krista hian kohhran a nei em? Sakhuana lama pâwl ding hi mihringte ruat chawp mai em ni? He thu hi heti hian Isuan a chhang.

"Tin, nang, Petera i ni tih ka hrilh baw k a che; he lungpui chungah hian ka kohhranho ka rem chho ang a, mitthi khaw kulh kawngkharte chuan chu chu an ngam lovang." Matthaia 16:18.

Isua chu a kohhran inremna Lungpui leh a kila lung ƣangkai chu a ni. Tin, chu inngahna chu tuten nge belh chhah ve?

"Krista Isua ngei chu a kila lung pawimawh ber, niin, tirhkohte leh zâwlneite lungphum chungsa sak an ni a." Efesi 2:20.

Tirhkohten Pathian Thu an sawi khân Lalpan engnge a tihsak?

"A chhandam mêk apiangte chu Lalpain nitin kohhranah a teltîr zêl ƣhîn." Tirhkohte 2:47.

Isuan kohhran a din khân, "Mitthi" khaw kuhl kawngkharte chuan an ngam lovang," tiin a tiam a, (Mat. 16:18) wawiin ni thleng hian chu chu Kristian kohhrante hian an la do zo a ni. Hmêlma chakzet mai a nei ƣhîn a. Chungte chu Rom Sorkâr Lalte aƣanga Communist Dictator-te thlengin an ni, mahse martarte thisen chuan kohhran chu a tichak sauh zêl ƣhîn. Kristian pakhat an hâl hlum emaw, sakeibaknei chaw an pêk chuan, chumi âiawh tûr chuan mi tam tak an lo chhuak leh ƣhîn. Kohhran (ringtute) chu a châng chuan bihrûk ƣul khawpa chepah te an ding a, mahse bihrûkna thlalêr hmun leh pûk hnuai aƣangte chuan chak zâwkin an rawn awm leh ƣhîn. Ringlo mite chuan theih tâwpin Kristian te hi tihbo tuma beiin thil âthlâk rinna dangte ruala boral mai tûrin an sawi ƣhîn a ni. Nimahsela Kristian thudik chuan tun hma zawng aia Chiang zâwkin, tun lai hun angah meuh pawh hian a hneh ƣhîn.

Kohhranin harsatna a tawhte zînga ropui ber chu Rom Sorkârin Kristianna hi Sorkâr sakhua anga a pawm aƣanga rei loteah a lo awm a ni. Kohhran phei chu a ƣhang duang khawp mai, mahse nakin lawkah chuan kohhran chu a lo bawlhhlawh ta a. Hun Thim lai phei kha chuan thlarau lamah chuan a thi der tluk niin a lang.

Chutichung chuan Lalpa chuan mi tam tak, huaisen leh rinawm, beidawn thlâk leh harsat lai ber hun pawha, thlamang lai arsi anga êngte an awm a. Chutichuan, kohhran tih chu "Kohchhuahte" tih nêh thuhmun chiahin a hman theih a ni. Pathian chuan khawvêl aṭanga a kohchhuah aṭangte hian a mi bîkte chu a buatsaih a.

Paula chuan Krista leh a kohhrante inkâr chu pasalin a nupui duat tak leh hneh taka a enkawl ṭhîn ang hian a tehkhin a ni.

"Pasal chu nupui lu a ni ang hian Krista chu kohhran lu a ni," Efesi 5:23.

Kohhran chu chhûngkua, an vaia inzawmna nei leh inputawn ṭheuh ang hi a ni.

"Chutichuan tûnah mikhual leh mi cham mai in ni tawh lo va, mithianghlimte nêh chuan tual khat leh Pathian chhûngte in ni ta zâwk a ni." Efesi 2:19.

Paula chuan kohhran chu taksa nung, a lu chu Krista angin a tehkhin a;

"Ani chu taksa (kohhran ho) lu a ni a; engkimah chungnung ber a lo nih theih nân," Kolosa 1:18.

Kohhran, Krista taksa, peng hrang chu engtin nge kan lo nih theih ang?

"Kan zain, ... taksa pumkhata awm tûrin Thlarau pakhat chauhvah baptis in kan awm ṭheuh si a." 1 Korin 12:13.

Baptisma hi kohhrana luhna kawngkâ a ni. Thupuan chuan kohhran hi rangkachak khâwnvâr dahna angin a tehkhin a. (Thupuan 1:20). He rangkachak khâwnvâr dahna leh Isua hian engnge in zawmna an neih?

"Ka han lehhawi chuan rangkachak khâwnvâr dahna pasarih ka hmu a. Khâwnvâr

dahna zîngah chuan mi tu emaw, mihring fa ang, ke ler thlenga puan vâr sin, a âwma rangkachak kawnghrena inhrêng chu ka hmu baw a." Thupuan 1:12, 13.

Johana chuan tho leh Krista chu Kohhrante zînga kal vêl a hmu a, chu chuan englai pawha a enkawl na leh an zînga a chen reng zia a entîr a ni. Krista chuan amite chu a theihngihl ngai lo va, a theihngihl dâwn baw hek lo.

3. TUM NEI KOHHRAN

Tun hnai lawka America rama mipui ngaihdân an lak khâwmnaah chuan mi zaa 94 te chuan sakhwana hi an mamawh zia an sawi a, chutih lai chuan zaa 25 chauh chu inkhâwm thînte an ni. Tun lai hian mi tam takin sakhaw thil hi chu mi mal thil a ni a, tuma inrawlh vena chi a ni lo, tiin ngaihdân an nei tawh a ni. Kohhrana an inhnawih ngai lohna chhuanlam atân kohhran chhûng a mi, thâa inngai, tha si lote, an hmang thîn.

A tum bulpui berah chuan, kan pianpui mamawhte kan hmuh theih nân Kohhran hi min dîn sak a, mimal inpêkna mai hi chu harsatna a lo thlen hian a reh leh mai thîn a, kan rinna tinung reng tûr leh rah chhuah tûrin midangte min tawiamna kan mamawh a ni.

Inpâwlhona hian thenna a siam thîn avângin mimal tin hian kohhran an mamawh a, tin chu bakah kohhran hian hna pawimawh tak tak pathum a thawk a chungte chu :-

1. Kohhranin thutak a vawnghim

"Pathian chhûngte chu Pathian nung kohhranho, thutak ban leh inngahna chu an ni,"
1 Timothea 3:15.

Kohhran chuan khawvêl hriatah thutak chu a tilangin, an lak aţangin a vêng a ni. Mimal malte tân chuan mahni ngaihdân zui mai hi a awl in, kal sual mai a hlauhawm tĥin a. Kan thinlunga kan rindân leh kan pawm tlânte thu dika ngaih zêl mai hi a dik tluanchhuak lo fo va, chu ai chuan thudik chu Pathianin a sawi dik ngeite hi an ni. Bible in kan mamawh thu dik a sawite hre thiam tûrin ringtute finna thawhkhâwmte hi a pawimawh a ni.

2. Kohhran hi Pathian khawngaihna misualte tân engnge a tih theih entîrna a ni.

"Nimahsela thim ata chhuak a, a êng mak taka lut tûra kotu che u tĥatna chu in entîr theih nân, nangni zawng chi thlan, Lal puithiam ho, hnam thianghlim Pathian mite ngei in ni si a." 1 Petera 2:9.

Ringtute nuna danglamna Kristan a siamte hian, 'thim ata chhuak a, a êng mak taka lut tura min ko chhuaktu fakna' a thlen a ni. Kohhran chu Krista chung a din a ni a, chu chu Pathian ngaihsakna thurûk chu a ni. (1 Timothea 3:16). Krista a chênnaah a innghat a ni.

3. Pathian mite chu khawvêl tlachhamte hnêna hriatpuitu an ni.

Vâna a lâwn hma lawk khân a zirtîrte hnênah Isua chuan thutiam a hmuchhuak a.

"Nimahsela Thlarau Thianghlim chu in chung a lo thlen hunah thiltihtheihna in la nei ang; tichuan Jerusalem kuaah te, Judai leh Samari ram khawtinah te, kâwlkil thleng pawhin ka thu hretute in ni ang," Tirhkohte 1:8.

Pathian hmangaihna ropui tak thuchah khawvêl pumpuia hriltu nih chu Kohhran tân hian vânehthlâk tak a ni. Kristiante hian kan nun a Krista lantîr tûrin mawhphurhna nasa tak kan nei a ni.

4. CHAKNA ATANA DIN A NI

Krista kohhran din chuan in ruahman dân fel tak a nei. Chutah chuan telve theih dân leh chuta tanga hnawhchhuah dân pawh mumal tak a nei. (Matthaia 18:15-18). Pathian kohhran chuan hruaitute a thlang a, khawvêl pumpui tân hmunpui a nei a, tin, tualchhông tân pawh in hmuh khâwmna tûr a nei bawk a ni. (Tirkhohte 8:14; 14:23; 15:2; 1 Timothea 3:1-14). Baptisma an chan ve leh, ringtute chuan kohhran mumal tak leh a huhova dân a zawm tûr a ni. (Tirkhohte 2:41, 47).

Kohhran chu intihchak tawna tura ding a ni.

"Hmangaih leh thil tha tiha inchawk tho tûrin inngaihtuah tawn ang u, thenkhat tih dân ang, kan inkhâwmte bân-san lovin, infuih tawn zâwk ang u; ni chu lo hnai telh telha in hriatin infuihtawn nasa leh zual sauh rawh u." Hebrai 10:24, 25.

Hei hi kohhran hrisêl thate chuan an tih thin tlângpui a ni. Member tinte chu midangte nênn rinna in thlungkhâwmin an infuih tawn thin a ni.

Pathian chuan a mite tihchak nân Kohhran a din a, tin, chubâkah khawvêl tâna rawng bawl sak tûrin a ni bawk. Hetah hian thil chiang deuh a awm a, chu chu a malte te a ding fal lova a huhova hna kan thawh hian nasa takin kan chak zâwk a ni.

Entîrnân Seventh-Day Adventist kohhran hi lo hmang chhin îla. He kohhran hian khawpui hmun kilkhawr tak taka motor nêna kal vêl leh Pacific chhim lam thliarkâr biru te teah te tihdamna hna an thawk a. Zirna hmun hrang hrang aţangin zirlai sâng tam takte hnênah Krista a nunna tha zâwk chu a pe a, anmahni din Loma Linda University aţanga lung thlâkna meuh pawh neiin Mis-

sion sikul te reuh te te, Africa ram kilkhawr tak takah te an hawng a. T̄am leh mi mangangte enkawlna hmun te an siam a, USA a tualchhûng kohhran ngawt pawhin mirethei leh in leh lo nei lo tân thawmhnaw leh eitûr pêkna hmun. Community Service Centres 2000 chuang an pui a ni. Seventh-Day Adventists te chuan a huhovin khawvêl ram 190-ah Chhandamtu lo kal thuai tawh tûr chanchin chu an hril a ni.

Hêng zawng zawngte hi mimal sakhua leh rinna hian a thawk thei ang em? A theih miah lovang. Pathian tâna inserh Kristian, a huhova thawhdân mumal tak neite chauhvin an ti thei ang.

Krista leh a zirtîrte pawh khân ringtute chu inzawm khâwma a huhova hna an thawh a t̄ulzia nasa takin an târlang a ni.

"Mit hian kut hnênah, 'Engah mah ka duh lova che,' a ti thei lo; lu pawh hian kephah hnênah 'Engah mah ka duh lo va che,' a ti thei bawh hek lo. Ani, chutih a hnekin taksa pêng chaklo âwm zâwka langte hi an pawimawh zâwk êm êm a ni.... chutichuan kan peng mawi lo zâwkte hian mawina nasa zâwk an hmu thîn..... Chutichuan nangniho hi Krista taksa chu in ni a, a pêngte in ni theuh bawh a." 1 Korin 12:21-27.

Taksaa bung hrang tinte hi an inang vek lo nain, an vai hian an pawimawh vekin an vai hian inrem takin an thawk ho tûr a ni. Taksa tel lo chuan mit hian a hmu thei lova, bân hi tan chhum ta ila, a bung chuan t̄angkaina a nei hek lo. Mit kan ni emaw, bân kan ni emaw, kut zungtang pawh kan ni emaw, keimahni mai chuan Krista tân hian kan t̄angkai tâwk lo a ni. Kohhran chung a awm a, ringtu dangte nêna inzawmna hian kan Kristianna kawngah min tichak thîn.

5. PATHIAN CHIBAIBUK HLIMAWMNA

Kan thinslung chhôngril takah hian Pathian biak châkna a awm a. Kha châkna khân luan chhuahna a neih loh chuan a ral leh mai thei a ni. Chuvângin kan rilru taka ropui kan tihzia chu au chhuahpui tûra fuih kan ni.

"LALPA hnênah a hming ropuina chu pe ula, Thianghlim mawina chu inbelin Lalpa chu chibai bûk rawh u." Sâm 29:2.

"Ka nunna hian LALPA biak in hung chhông kawtlaite chu a ngai êm êm a, a ni, a chauh phah hial a; ka thinslung leh ka tisa hi Pathian nung hnênah chuan a au chhuak a." Sâm 84:2.

Sâm ziaktu hian Pathian chibai bûkna hmun pana a kal khân eng thinslung nge a put?

"LALPA inah i kal ang u, Ka hnêna an tih lai khân ka lâwm a." Sâm 122:1.

Inkhâwmnaah hla hian eng chanpual nge a neih?

"Lâwm chungin LALPA rawngbawl ula; Hla sak chungin a hmâah lokal rawh u." Sâm 100:2.

‘LALPA chu fak rawh u.

"Pathian chu a hmun thianghlimah chuan fak ula; A thiltihtheihna boruak zau takah khian amah chu fak rawh u. Khuangte leh lâmin amah chu fak ula; Tîngtang chi hrang hrang leh phenglawngin amah chu fak rawh u. Dârbenthek rithum miin amah chu fak rawh u, Engkim, thaw thei tawh phawt chuan LALPA chufak rawh se. LALPA chu fak rawh u." Sâm 150:1, 4-6.

Bible chuan thawhlawmte hi Pathian biakna chi khat a ni tih min hrilh a ni.

"LALPA chu a hming ropuina chu pe ula; Thihlan tûr kengin a biakin hung chhông kawtlaiah

te chuan lo kal rawh u; Aw, thianglim mawina inbelin LALPA chu chibai bûk ula; Leilung luah zawng zawngte u, a hmâah khur rawh u." Sâm 96:8, 9.


Bible zirna leh thu hrilna hi Thuthlung Thara Pathian chibai bûkna laimu chu a ni. Pentekos n̄a Petera thusawi, Tirhkohte Bung 2-a kan hmuha in̄tanin, Tirhkohte Thiltih hian kohhran hmasate rawngbâwlnaah Pathian Thu hian eng ang dinhmun pawimawh nge a lo awh ṭhîn tih min hrilh a. Kohhran Siamṭhatute aṭanga vawiin ni thleng hian, harhtharna lo thleng apiangte hi Bible zirtîrna aṭanga innghat an ni ṭhîn, Engnge a chhan?

"Pathian thu hi a nunga, thil a ti thei a, khandaih hriam tawn eng ang ai pawhin a hriam a, nunna leh thlarau ruhtuah leh thling phel hrang khawp hialin a chhun thei a, thintlunga ngaihtuah leh tumte hi a hre nghal thei a ni." Hebrai 4:12.

6. KOHHRANAH HIAN ENNGE DIK?

Mi ṭhenkhat chuan kohhran hi mi famkimlo hote awmkhâwmnaah an puh a. Hei hi a dik khawp mai. Hei mai hi ni lovin, Henry Ward Beecher a sawi, "Kohhran hi Kristian mi pawimawhte târlanna hmun ni lovin, mi famkim lote inzirna sikul a ni," a tih pawh hi a dik khawp mai.

Kan zînga tumah hi kan famkim loh avângin, kohhran pawh a ṭha famkim ngai lovang. Kohhran hi khawvêl beiseina chu a ni meuh mai. Chutichung chuan, tehkhin thua Isuan a



sawi angin buh zîngah hnim a ƣo va. (Matthaia 13:24-30). Chuvângin ƣhenkhat chuan kohhran chu ngaihdamte leh ngaidamtute awmkhâwmna hmun tia vuah awm takah an ngai.

Thuthlung Thar huna Paula lehkha thawnte kan chhiar chuan, kohhran hmasate pawh khân harsatna tam tak an nei tih kan hmu a. Chutiang bawkin tunlaia kohhrante pawh hian diklohna lian tak a nei fo a ni. Eng hunah emaw chuan kan vai hian Pathian thua hlawkna chhar beiseiin kan inkhâwm tawh ƣheuh ngei ang; mahse chutichung chuan thlarau lama rilƣam bawkin kan haw leh ƣhîn a ni. Rawngbâwltu ƣhenkhat, an kohhran memberte chung a mawhphurhna la run tâwk lo an awm tih hi kan hre fo mai, tin, kohhran chhûnga mite pawh a thusawi anga nunglo an awm bawk ƣhîn. Kohhran ƣhenkhatte phei chu an inngeih loh êm avângin an zînga pakhat phei chuan inhriatthiam lohna a ƣhûk êm avângin, "biak in chhûnga a lai thlenga luh pawh a harsa a ni," a ti hial a ni.

A châng chuan hêng tlin lohna te hi enkhuma Kristian kohhrante tâna thil tum dik tak hi hriat a har ƣhîn. A châng chuan harsatnate hi kal san mai pawh a awl ƣhîn. Chutichung chuan kohhran chhûnga diklohna nasa tak nei hian Kohhran lungphun Krista chu, a tichhiain a tibuai chuang lovang. A tâwpah chuan kohhran famkim loten ƣanpuina kan hmuh theih dân awm chhun chu min enkawla min chhandamtu lam hawi hi a ni.

Kohhran chu misualten Pathian an hmuh theihna tûra inkhâwmna hmun a ni reng ang. Jakoba pawhin Pathian a hmuhna hmun chu.

"He hmunah hian LALPA chu a awm ngei mai; ka lo hre si lova.... He hmun hi a va hlauhawm em! hei hi hmun dang a nih loh hi, Pathian in a lo nih hi le, hei hi vân kawngkâ a lo nih hi," a ti a. Genesis

28:16, 17.

Krista chu kohhran lungphum leh a lû, a Chhandamtu leh a LALPA a ni. Diklohnate nei ṭhîn mahse, Krista ta a ni. Tupawh a chhûnga lo lut a, Krista entute chuan a ropuina leh a chhandamna thiltihtheihna chu an hmu ang. Lalpa lâwmna chu neiin ringtute nêin inpâwlho lâwmna chu a chang ang.

"Psalte u, in nupuite hmangaih rawh u, Kristan kohhranho a hmangaih a, an aia mahni a inpe ang khân, anni chu tuia sila thu chuan tifaiin a tih thianglim theih nân; chutichuan kohhranho chu bawlhhlawh kailo leh zur lo leh, chutiang thil reng pu lovin, thianglim leh hmêl hem lova awm zâwkin, amah leh amah kohhran ho ropui takah a inpe chawp thei ang." Efesi 5:25-27.

Krista tân chuan kohhran hi a pawimawh êm avângin kan mimal tân theuh leh a huhova kohhran tân, a thih khân a lo inhlân ta a ni. Hei vâng hian Kohhran chhûnga awm hi i tân a pawimawh a. Tichuan engtin nge kohhran nêin in inzawm? Krista tisaa member chu i ni ve em?

7. KOHHRAN DIN DAN

He khawvêlah hian kohhran engzat nge Krista hian a neih?

"A koh chhan che u beiseina hmun khata koh in ni ang bawkhân taksa pakhat leh Thlarau pakhat chauh a awm a; Lalpa pakhat, rinna hmun khat, baptisma hmun khat," Efesi 4:4, 5.

Krista chuan rinna hmun khat chauh a neih avângin, a engbera hi nge tih engtin nge kan hriat theih ang? Isua chuan kohhran dik hriattheihna chahbi min pe a ni, chu chu.....

"Tupawh ama duhzâwng tih duh chuan, ka thu zirtîr hi Pathian tihchhuah nge keima phuahchawp a ka sawi a hria ang." Johana 7:17.

Pathian duhzâwng kan intukluh hian eng kohhran hian nge Pathiana chhuak zirtîrna zui leh, eng kohhran hian nge mihringte zirtîrna zawm? tih hre tûrin min tanpui ang. A hriat theihna lai ber chu Pathian thu a zahna leh a ngaih pawimawhna hi a ni. Inpâwlhona diktak hi chu Pathian thu aţanga awm a ni, thlarau mi hruaitu inrelbâwlna ţha mai a ni lo. I zawm tûr kohhran i thlan hmain thil tam tak tuna BIBLE THUPUAN Zirlaia kan sawi bak hi sawi tûr an la awm a ni. Zirlai lo awm leh tûrah hian kohhran dik zawm tûr thlanna kawnga kawhhmuhna te an awm ang. Zirlai 26-ah pheih chuan, a bîk takin, he mi chungchâng hi sawi a ni ang.

Hêng kawhhmuhna aţangte hian hmuh chhuah thar nei zêl la, Pathian thu aţanga enna Pathianin i hnêna a pêkah che kal zêl la, a duhzâwng chu i hriatthiam tûra chiangin a siam ang. Kristian ţhang reng chu a thu aţanga Pathianin thu dik a tih lante pawm tûra a thinlung leh a rilru hawng rengtu hi a ni.

Pathian leh kan vaia Pa, Chanchin lâwmawm Isua ka neih avângin i chungah ka lâwm zêl ang. Chanchin Ţha hriana kawnga inpumpêkte avângin i chungah ka lâwm e. Tûnah hian ringtute hna ropui tak, i hmangaihna puandarhna hna kal laiah hian telve ka duh a ni. I kohhran chhûngah leh pâwna hriatpuitu dik takah min siam ang che. Chu chu Isua Krista hmingin ka dil e. Amen.

Published by Mizo Conference of Seventh-day Adventists,
Seventh-day Tlâng, P.O. Box 097, Aizawl 796 001, Mizoram.

DISCOVER - BIBLE RÂLCHHÂN